

淮寧縣志第二冊

卷四	山水志	湯附
卷五	藝文志	食餅附
卷六	風土志	寺田書院社考
卷七	學校志	遊樂附

淮寧縣志卷之四

辛酉科舉人河南陳州府淮寧縣知縣永銘纂修

山水志

溝渠附

淮寧地居洧下無名山大川然潁汝沙蔡谷渦諸水悉由境內注淮歷年既久陵谷變遷稽之水經每多不合泥古而不通今猶勿志也至溝渠之利凡賈逵鄧艾所修行者近雖湮沒按籍可稽相其宜舉其廢守土者詎可忽諸述山水志

西銘山 在城西北

河南通志西銘山在陳州西北五里

淮寧縣志卷之四

山水

一

府志據紀纂淵海西銘山在府西北今城西北一帶地勢豐隆隱然若山故老相傳有耕地得墻基者疑宋之西園或依此爲之今人以城西池外高岸當之不知此舊城之西乳耳有指城中南十字街爲西銘山近是

宛丘 在縣東南

爾雅丘上有丘爲宛丘陳有宛丘

毛氏云四方高中央下爲宛丘

孔氏曰釋丘云宛中宛丘言中央宛宛然是謂四方高中央下

郭璞云中央隆峻狀如一丘

王隱晉書地道記陳城南道東有宛丘漸欲平

樂史太平寰宇記宛丘在縣南三里高二丈

韞丘 孔子在陳巫馬期與子路薪於韞丘之下今

不知其處

燕丘 在縣東南四十里高五丈相傳楚滅陳燕軍

于此

清丘 在縣北五十里高二丈五尺漢淮陽王嘗登

之以長安有清丘故名此以寄思

鞍子嶺 在縣北二十五里灌河之南形似鞍故名

淮寧縣志卷之四

山水

二

沙河 卽汝水俗呼爲大沙河發源魯山縣西大孟

山東北流逕汝州東南又東逕邳縣南又東逕襄城

縣南又東南逕定陵城北湛湫二水合流入焉又東

南逕舞陽縣境郭渡口

卽明史地理志所謂渦口也元季於此竭斷正汝而汝水

遂全由別瀆行矣

又東逕鄆城縣南又東北逕西華縣宿砦

集北

宿砦背汝水面召陵砦北水南有故渠卽潑水也以上汝水由別瀆行以下則元季新開河也

又逕小窩鎮南又東南逕商水縣鄧城鎮又東南至

孫家嘴左有潁水人焉又東至周家口

卽明史地理志所謂潁歧

口也昔潁水合惠民河而來於此亂流南下故呼此爲潁歧口南係潁水故道東則元季新開河也人

縣境惠民河挾溱洧水從北來入之又東二十餘里

至高山頂

今指此為
穎岐口

右有支流出焉又東逕苑土集

白馬溝受清河柳涉二水從北來注之又東逕牛溝

口古黃河從北來注之又東逕新站集又東南逕夾

河集又東逕竇門集

以下與穎水故
道互相出入

又東南逕槐坊

店

淮頂沈三
縣交錯處

西蔡河入焉

水經注左會
交口即此

又東逕沈丘

新安集東蔡河入焉又東南逕界首集入江南太和

縣境

水經注汝水又右迤為湖俗謂之東長湖湖水下

入汝古養水也水出魯陽縣北將孤山北長岡下

東歷永仁三堆南又東逕沙川世謂之沙水又東

淮寧縣志卷之四

山水

三

逕沙亭南故養陰里也京相璠曰在襄城郟縣西

南養水名也俗以是為沙水 按此即今大沙河

之名所自起也

明史食貨志永樂元年納戶部尚書郁新言始用

淮船受三百石以上者道淮及沙河抵陳州穎岐

口跌坡別以巨舟入黃河抵八柳樹車運赴衛河

輸北平與海運相參

洪亮吉府廳州縣圖志沙河自縣南受故黃河水

又東受蔡渠水又東逕項城沈丘受枯河水又東

逕界首集南入江南穎州府界

府志按水經汝水自郟城而下又東南過汝南上蔡縣西又東過平輿縣南又東至原鹿縣南入于淮通志云汝水東入郟城縣南而入汝寧府西平縣界余嘗遊歷陳蔡襄葉間見汝水至郟城縣東南流入陳境並無逕由西平是今汝水已同潁水合流入淮與昔水經所載不同矣

潁水 一名渚河出登封三源奇發右水則陽乾山之潁谷也中水導源少室通臯左水出少室南谿三源合流東下逕陽城縣故城南又東逕禹州北又東南逕襄城縣北又東逕許州南又東逕臨潁縣南又

淮寧縣志卷之四

山水

四

東入西華縣境又東逕習陽城南又東南至李家橋入縣境又東南逕毛家庄張田堤劉家園又東南至

商水縣境孫家嘴入大沙河

陽以上水道與古同下與古異

水經潁水又東南過南頓縣北灑水從西來流注之注灑水于樂嘉縣入潁不至于頓頓故頓子國也周之同姓春秋僖公二十五年楚伐陳納頓子于頓是也俗謂之潁陰城非也潁水又東南逕陳縣南又東南左會交口者也 潁水流經禹州北入襄城謂之渚河

明史地理志陳州注南有潁水

乾隆府廳州縣圖志潁水自許州臨潁縣流入西華西南東流逕商水又東逕淮寧縣南與項城縣分界又東逕沈丘南至江南潁州府界入淮

府志潁水東至潁歧口分爲二枝一東南流逕南頓又曰澱河水經注云潁水又東右合谷水水上承平鄉諸陂東北逕南頓縣故城南側城東注春秋左傳所謂頓迫于陳而奔楚自頓徙南故曰南頓也澱河蓋卽谷水澱谷同音耳又東南過項城縣北受汾河水按此項城非經所謂項縣也又東南入今沈丘縣境受虹河泥河諸水至縣城南俗

淮寧縣志卷之四

山水

五

謂小沙河又東南逕故沈丘縣北又東逕潁州北復滙大沙河今潁歧口已湮塞惟東一支過淮寧縣南新站集下由項沈達江南潁州府境至壽州界入淮

按潁水故瀆自西華境習陽城南迤邐而東逕西華縣南又東南至趙牛口惠民河挾溱洧二水從北來入之又南逕李方集又南至周家口又南至商水許家寨

水經注南逕汝陽縣北卽此

又東南逕本境尹練

集又東南逕樂嘉城東北大澱水從西來入之又東南逕項境南頓故城北又東流十餘里與新河

沙即今河

互相出入矣

潁水支流受汝潁二水於縣

南潁歧口迤邐東南流至焦藍埠口東右會潁

水故瀆又東南至項城縣南頓鎮蕭公廟與清水

河即谷水會

惠民河 卽沙水亦曰蔡河一名賈魯河俗呼爲小

黃河自中牟縣西十里鋪東南流逕祥符縣之朱僊

鎮又東南逕尉氏縣之白家潭又東南逕扶溝縣之

呂家潭又南迤西至張單口又西南至扶溝城東陸

家橋雙泊河

溱洧合流爲雙泊

從西來入之又東南過西華

縣環城三面又東南逕畢家口入縣境又東南至趙

淮寧縣志卷之四

山水

六

牛口又東南逕李方口又南至周家口入大沙河合

潁

水經注沙音蔡許慎正作沙音言水散石也從水

少水少沙見矣楚東有沙水謂此水也 其一者

東南過陳縣北注沙水又東南逕東華城西又東

南沙水枝瀆西南達洧謂之甲庚溝今無水沙水

又南與廣漕渠合上承龐官陂云鄧艾所開也雖

水流廢興溝瀆尙夥昔賈逵爲魏豫州刺史通運

渠二百里餘亦所謂賈侯渠也而川渠逕復交錯

無以辨之沙水又東逕長平縣故城北又東南逕

陳城北故陳國也王隱晉書地道記云城北有故沙名之爲死沙而今水流津通漕運所由矣沙水又東而南屈逕陳城東謂之百尺溝又南分爲二水沙水出焉溝水東南流谷水注之水源上承潞陂陂在陳城西北南暨犖城皆爲陂矣

困學紀聞杜佑以漢運路出浚儀十里入琵琶溝絕蔡河至陳州而合通典汴州浚儀縣有蔡水建隆元年浚蔡河設斗門二年導閔水自新鄭與蔡水合貫京師南歷陳潁達壽春以通淮右之漕以西南爲閔河東南爲蔡河開寶六年改閔河爲惠

淮寧縣志卷之四

山水

七

民河

原注與蔡河一水

明史河渠志洪武三十年冬蔡河徙陳州先是河決由開封北東行至是下流淤又決而之南

明史地理志陳州注西有沙水亦曰小黃河至潁歧口與潁水合下流分爲二崇禎間屢決于西南之苑家埠口又南有故黃河嘉靖時黃河南出之道也

畿輔通志蔡河首受汴渠自祥符東南經通許西尉氏扶溝之東境太康之西境之鹿邑南而合潁河謂之蔡河口水經注菴蕩渠自中牟東流至浚

儀分爲二水南流曰沙北流曰汴沙卽蔡也東南入太和及潁川之北潁上之東南當壽州西北正陽鎮而入淮謂之潁口魏黃初時鄧艾大治諸陂于潁南潁北穿渠三百里溉田二萬頃宋建隆時浚蔡渠導閔水自新鄭與蔡合貫汴京南歷陳潁壽春以通淮右之漕于是西南爲閔河東南爲蔡河乾德時又鑿渠自長社今許州長葛縣引溟水至京令閔水渠成漕益通開寶時改閔河曰惠民渠蔡河卽琵琶溝也今由朱仙鎮南達潁壽

乾隆府廳州縣圖志按五代周顯德六年引河入

淮寧縣志卷之四

山水

八

蔡以通陳潁之漕宋時導閔水合於蔡爲惠民河陳蔡之粟自此入汴元時爲河水所奪賈魯治之故自朱仙鎮以上通名賈魯河自鎮以下昔由通許流入扶溝今則近尉氏而遠於通許于水經及元和志故道不能盡合然大畧可考矣

府志沙水卽汴水之分派也源出滎陽縣大周山下東流至中牟縣分爲二派一東注爲汴一南注爲沙蓋源出菴蕩渠也按水經河水又東過滎陽縣菴蕩渠出焉注云大禹塞滎澤開之以通淮泗卽經所謂菴蕩渠也渠水又東南流逕開封縣睢

渙二水出焉右則新渠又東北注梁卽沙水也音
蔡渠又北屈分爲二水續述征記曰汴沙到浚儀
而分也汴東注沙南流考此則沙蔡本一水而字
音讀別世謂此水爲小黃河蓋亦渠與河通名猶
存實耳今汴沙自扶溝而下非復水經之故道惟
由賈魯河逕朱仙鎮自白家潭入境至扶溝縣東
北受溱洧二水世謂雙泊河又東南過西華縣環
城西北東而下逕淮寧縣李方口又南至周家口
入商水縣境注于潁

按蔡河與惠民河同源異派自東而南者爲蔡河

淮寧縣志卷之四

山水

九

自西而南者爲惠民河蔡河上流

太康以上

與惠民河

下流

大扶以下由陳城下達交口

皆蕩蕩渠故瀆今湮廢已久

脈絡難尋矣

清河 發源商水東北于家窪東南逕項境薛家橋

又東逕縣境宋家村西又南逕樂嘉城北

淮項二縣交錯處

又東南越澱水廢瀆至項境白塔寺東又東南逕縣

境洪七溝洪任二河水從西來注之又東北至項境

南頓蕭公廟

在南頓故城西四里

與潁水會又東南逕本境

郭家埠口

淮項二縣交錯處

又東南逕項境丁村集北又東

南至直溝頭澱瀆水入之又東南至沈丘縣西入汝

水支津

按水經注所謂上承平鄉諸陂卽此水也本逕南頓故城南側城東注又東南逕楚別都大城內小城北又東出大城入潁汝潁既合水道變遷不惟下流與古異上源亦與古不盡同矣 楚別都在今槐坊店小城卽古項子國城也水經注楚襄王郭項子國城以爲別都

瀆河 卽澗水一名汾河上流自西華歇馬店東逕宿砦集北又東逕商水鄧城鎮南又東南逕老澗灘汾溝入焉又東南至商水西南分爲二支右支東南

淮寧縣志卷之四

山水

十

流由馬家橋入縣境又東南逕連橋又東南過許家寨與左支會左支東逕華河集又東逕五樓北

唐韓全義

討淮西兵敗退保五樓卽此

分爲二支一支由朱家村入縣境東

逕倪家廟又東至樂嘉城北今已塞爲平地一支南逕胡家橋入縣境東逕雙龍集又南逕朱王屯又東南過蘇童樓與右支會又東南逕順河村又西南過蔣家橋入項城縣境又東南至三義橋又東逕項城縣北又東南至高丘寺又東至直溝頭與谷水會右支爲瀆河左支爲漕河

水經注汝水又東南逕奇雒城西北瀆水出焉世

亦謂之大灑水爾雅曰汝有瀆然則瀆者汝別也
按唐憲宗平淮西置淮潁轉運使泝淮入潁由潁
入澗輸於鄆城漕河得名以此

虹河 卽汝水支津上流自鄆城境召陵故城南來
東逕征羗故城南又東逕公路臺

今訛爲
尤武臺

又東由商

水境陳村入縣境周家寨又東南逕彭家村西北又
西南逕上蔡崔家村又東南逕西門城北又東南逕
項城縣廢香臺鎮又東逕項城縣城中出城東迤南
至新橋集西泥河入焉又東逕新橋集又東至沈丘
縣西谷澗二水合流入焉又東逕沈丘縣南又東逕

淮寧縣志卷之四

山水

十一

江南沈丘集又東南至潁州北關入沙河

洪河 自縣西南受袁家坡水東南流至洪七溝與
任河合流入清河

任河 自縣西南受蘇家坡郭家坡水東流至洪七
溝與洪河合流入清河

清水河 卽谷水自太康縣丁家集西入縣境南逕
洪山廟又南逕蓋家廟西又南逕木岡寺又南逕朱

家村

在長平故
城東南

與柳涉河會又東南至擺麻溝入大

沙河

水經注陂水東流謂之谷水東逕潞城北王隱曰

犖北有谷水是也犖卽櫟矣經書公會齊宋於櫟者也杜預曰櫟卽犖也在陳縣西北爲非櫟小城也在陳郡西南谷水又東逕陳城南又東流入於沙沙水又東南流注於潁謂之交口水次有大堰卽古百尺堰也魏書國志曰司馬宣王討太尉王凌大軍掩至百尺竭卽此竭也

府志水經注谷水又東流逕陳城南又東流入於沙今考谷水莫識其源惟郡西北有清水河南流逕土中坡至搬罾口又西華縣東有柳社河南逕故清河驛亦至搬罾口合流是曰白馬溝似卽谷

淮寧縣志卷之四

山水

十二

水但俱南流入潁而水經所謂逕陳城南東流入沙者不復可考矣

按水經注長平故城南有五梁溝上承洧水下入澇陂澇陂東出爲谷水至陳城東南注沙古沙水今蔡渠也歷年既久滄桑屢變上流若斷若續故道難尋所承者清水柳社二河下流入沙汝不復過陳城注蔡渠矣

柳沙河 一名柳社河源出太康縣西南李家窪南流過馬家村又南折而西逕西華東夏亭北又西迤南至縣境木崗寺又南逕朱家村合清水河又南逕

栗八橋又東南逕土中搬醫等陂又東南至擺麻溝
入大沙河

按朱家村以下疑卽五梁溝土中陂以下疑卽澇
陂下流呼爲白馬溝又名擺麻溝

古黃河 自太康縣五里口入縣境南流至牛家口
入大沙河

按黃河自唐以前皆北入海宋熙寧中始分趨東
南一合泗入淮一合濟入海金明昌五年河決新
鄉由太康經陳州東南至潁壽全河皆入淮北流
遂絕元仁宗延祐六年春二月修治汴梁護城隄

淮寧縣志卷之四

山水

十三

先是河北河南道廉訪副使言近年河決杞縣小
黃村口滔滔南流莫能禦遏陳潁瀕河膏腴之地
浸沒百姓流散今水迫汴城遠無數里儻值霖雨
水溢倉卒何以防禦方今農隙宜爲講究使水歸
故道達於江淮否則非惟陳潁之民不遂其生竊
恐將來浸灌汴城其害匪輕于是大司農下都水
監移文汴梁分監修治至正中受害尤甚賈魯爲
總制導使南漚惟入海明洪武二十四年四月河
水暴溢決原武黑洋山東經開封城北五里又東
南由陳州項城太和潁州潁上東至壽州正陽鎮

全入於淮而賈魯河故道遂淤明年復決陽武汜
陳州中牟原武封丘祥符蘭陽陳留通許太康扶
溝杞十一州縣有司具圖以聞發民丁及安吉等
十七衛軍士修築其冬大寒役送罷三十年冬蔡
河徙陳州先是河決由開封北東行至是下流淤
又決而之南永樂九年七月河復故道河南水患
稍息正統十三年河決滎澤陳州被害景泰二年
特敕巡撫洪英王暹協力合治暹言黃河舊從開
封北轉流東南入淮不爲害自正統十三年改流
爲二一自新鄉八柳樹由故道東經延津封丘入

淮寧縣志卷之四

山水

十四

沙灣一決滎澤漫流原武抵祥符扶溝通許洧川
尉氏臨潁鄆城陳州商水西華項城太康沒田數
十萬頃而開封患特甚雖嘗築大小隄于城西皆
三十餘里然沙土易壞隨築隨決小隄已沒大隄
復壞其半請起軍民夫協築以防後患帝可其奏
成化十四年河決開封巡撫李衍言河南累有河
患皆下流壅塞所致宜疏開封西南新城地下抵
梁家淺舊河口七里壅塞以洩杏花營上流又自
八角河口直抵南頓分道散漫以免祥符鄆陵睢
陳歸德之災乃敕衍酌行之宏治二年河決張秋

與汶水合而北行遣工部侍郎陳政督治政言河之故道有二一在滎澤孫家渡口經朱仙鎮直抵陳州一在歸德州飲馬池與亳州地相屬舊俱入淮今已淤塞因致上流衝激勢盡北趨請濬舊河以殺上流之勢塞決河以防下流之患政方漸次修舉未幾卒官世宗時左都御史胡世寧言河自汴以來南分二道一出汴城西滎澤經中牟陳穎至壽州入淮一出汴城東祥符經陳留亳州至懷遠入淮今多淤塞宜因故道而分其勢汴西則濬孫家渡抵壽州以殺上流汴東南出懷遠宿遷及

淮寧縣志卷之四

山水

十五

正東小浮橋溜溝諸道各宜擇其利便者開濬一道以洩下流此皆治河急務也奏上帝從之然自弘治後河北徙山東受害陳州水患消寧矣

蔡河 自城北三里李家窪起逕太昊陵前東流至護城堤東北隅折而南流受七里棗林二河水又南受枯河水至忠心集分爲二支一由朱家橋經赫家橋至魯臺集入沈丘界之董家橋北又二十九里入大沙河口爲東蔡河一由馮唐集經李家橋至展家口入沈丘界之五里屯又逕項城縣竇家寨入沈丘界四里許南入大沙河口爲西蔡河

枯河 卽沙水故道上流自長平故城北來今皆淤塞但自縣西北桑家坡起東流逕沙窩店北又東爲九里溝漸折而南逕城東又南流十餘里至竇家橋合蔡河稍南又分東流逕試劍塚南又東南逕故黃花城又南入沈丘縣境新安集東注于潁

按枯河自縣西北至入潁處皆與水經合其爲沙水故瀆無疑

七里河 自縣西北魏家窪起繞城南而東至蕭家橋合棗林河入東蔡河注大沙河

按明隆慶戊辰僉事傅霖以郡多水患遂疏河南

淮寧縣志卷之四

山水

十六

流逕郡西南折而東注于蔡去城西南皆七里故名

棗林河 自縣西北蔡河引溝起東南流逕蕭家橋仍入蔡河

灌河 一名蔡河卽古琵琶溝也土人呼爲黑河亦曰涸河自太康縣流入縣境張家橋東南逕明馬集又東逕鞍子嶺又東南逕臨蔡城北又東南逕戴家集又東南至王允橋裡溝河水自北來注之又東南至王得口

淮鹿二縣接壤處

外溝河水自北來注之又東迤

北逕鹿邑縣吳臺廟南又東南逕虎頭岡南又東南

逕唐廟店南與茨河會

以下通呼為茨河

又南逕丁村東又

東南逕陽都陂與明河會分爲二支一東南流逕清

泥淺又東南逕李家集又東南至半陂堦堆又東南

至金溝又東南一百五十里至江南潁州府西北入

潁一東流逕白馬驛又東迤南至江南太和縣界入

淝河

府志按毘陽志曰蔡河卽古之琵琶溝胡氏曰琵琶

溝自東京戴樓門入京城宣化水門出東南經

陳州過蔡河口入潁今上流故瀆湮廢惟自鞍子

嶺而下兩岸寬廣百餘尺疑卽有宋運河故道也

淮寧縣志卷之四

山水

十七

按水經注沙水自百尺溝東逕寧平縣故城南又

東積而爲陂謂之陽都陂明水注之又東逕新陽

縣北又東南逕城父縣西南則今之濯河自會茨

而下至陽都陂并下流東支入淝河者其皆沙水

故瀆歟

裏溝河 自太康縣入縣境逕朱丘寺東南流逕馬

庄又至孔村西注濯河入鹿邑縣境

外溝河 自太康縣楊家橋入縣境逕朱丘寺又東

南逕安溝店又東南流至王得口入濯河

李貫河 自太康縣入縣境至崔家窪東南流仍由

太康縣至縣境孔家窪入裏溝河

明河 自鹿邑縣汲冢集東南流入縣境明河集下
仍入鹿邑縣境東流逕鄆城北又東逕雙樓北又北
逕寧平縣故城南又東逕丁村南注陽都陂又東與
茨河會

水經注沙水又東積而爲陂謂之陽都明水注之
水上承沙水之津東出逕汝南郡之宜祿縣故城
北王莽之賞都亭也

小明河 自縣東受周家坡水南流至朱家橋入東
蔡河

淮寧縣志卷之四

山水

十八

東清水河 自鹿邑縣王家橋入縣境東逕九龍窩
又東逕葛家橋仍入鹿邑縣境南流逕試量集白家
寺西又東南逕橫嶺北又東南逕汲水集北又東南
九十里至半坡堦堆入淝河

渦河 自通許縣境東南流逕太康縣北又東南至
馬廠集東胡家橋入縣境又東逕安平故城北又東

逕梁家口

在武平故城北胡家橋以下梁家口以上係淮太鹿三境交錯處

又東南

流至盛家灣入鹿邑縣境又東南逕鹿邑縣北又東
至太清宮東北兩河口與惠濟河合流由亳州蒙城
至荆山口入淮

漢書地理志扶溝渦水東至向入淮
水經陰溝水出河南陽武縣菴蕩渠東南至沛爲
過水注過水受沙於扶溝縣爾雅曰過爲洵呂忱
曰洵過水也過水逕大扶城西又東南逕陽夏縣
西又東逕邈城北又東逕大棘城南又東逕安平
縣故城北又東逕鹿邑城北杜預曰陳國武平西
南有鹿邑亭是也又東逕武平縣故城 按過水
上流故瀆湮塞不復受沙于扶溝矣

明史河渠志弘治二年河決開封白昂言河水南
決者自中牟楊橋至祥符界析爲二支一經尉氏

淮寧縣志卷之四

山水

十九

等縣合潁水下塗山入淮一經通許等縣入渦河
下荆山入淮又一支自歸德州通鳳陽亳縣亦合
渦河入淮今潁渦二水入淮者各有灘磧水脈頗
緩宜疎濬以殺河勢嘉靖七年胡世寧言河自汴
以來南分二道一出汴城西滎澤經中牟陳潁至
壽州入淮一出汴城東祥符經陳留亳州至懷遠
入淮今諸道皆塞宜濬孫家渡抵壽州以殺上流
惠濟河 自中牟縣西十里舖賈魯河分支歷祥符
陳留杞縣睢州柘城流入縣境安瀾集東南流仍入
柘城縣境又東逕鹿邑縣賈家灘又東南至兩河口

與渦水合

鐵裡河 自太康縣凌家橋入縣境南逕杜村堂又南流逕謝家橋仍至太康縣境入渦河

柳湖 在城西北

南壇湖 在城東南

北關湖 在柳湖東

陳佗溝 在城北十里相傳陳公子佗所開上承安仁溝今廢

百尺溝 在城東本沙水也溝水東南流谷水自城南注之上源曰澇陂陂在城西北百尺溝東南流注

淮寧縣志卷之四

山水

二十

潁謂之交口

畿輔通志宋熙寧時陳世修言項城界蔡河東岸有八丈溝卽百尺溝或斷或續迤邐東去由潁及壽綿亘三百餘里宜因故道興復大江次河射虎流龍百尺等陂塘灌漑數百里復爲稻田王安石以蔡河賴以通漕沮之後胡宗愈因州地卑下請復古八丈溝分洩蔡河之水由潁壽入淮謂之新河政和時霍端友言新河去淮尚遠乃起西華循宛丘入項城以達淮開渠二百里從之今皆湮廢蓋其地原隰衍沃水流津通汲黯嘗修陂塘以漑

田鄧艾屯田陳穎前軌猶可問也

五梁溝 在城西南十五里上承洧水東流入谷水
府志按水經注洧水自長平故城西又南分爲二
水枝水東出謂之五梁溝考長平故城在西華縣
東北水經云洧水出其西疑卽今之賈魯河柳社
河疑卽五梁溝也

賈侯渠 在城西賈逵所開運渠

水經注昔賈逵爲魏豫州刺史通運渠二百里餘
所謂賈侯渠也

廣漕渠 在城南鄧艾所開

淮寧縣志卷之四

山水

二十一

水經注沙水東南逕東華城西又南與廣漕渠合
上承龐官陂云鄧艾所開也

翟王渠 在城東唐趙翊爲忠武節度使按鄧艾故
蹟疏此渠以溉田

蔡河引溝 自縣西北蔡河頭受坡水起東流入棗
林河

西蔡河引溝 自縣東南高河嶺北起南流至高河
嶺南仍入西蔡河

黃古溝 自縣東南拉河溝起南流至何家橋止

拉河溝 自縣東受郭家橋水流至殷家橋入鹿邑

縣境仍轉入縣境泥鰍溝入東蔡河

郎兒溝 自縣東受黃崗舖坡水逕鄭家庄至忠心集入東蔡河

洪溝 自縣東南受巴家集坡水流至解鄭廟入東蔡河

泥鰍溝 自鹿邑縣境受坡水起由潘家橋入縣境逕李老人橋流至沈丘縣青塚嘴入東蔡河

趙家坡溝 自縣東受趙家坡水至張家橋北入小明河

剛子窪溝 自縣東受剛子窪坡水流至馬庄入洪溝

淮寧縣志卷之四

山水

二十二

月河溝 自鹿邑縣洄汲村入縣境東南逕孔村又東流仍入鹿邑縣境

塚子窪溝 自縣東受塚子窪坡水南流至李家橋入西蔡河

挑河溝 自縣南受瓦罐坡水流至燕家溝入西蔡河

燕家古溝 自縣東南受西蔡河水流至赫家橋入東蔡河

龍江坡溝 自縣南受白飯舖坡水流至高家口入

大沙河

王家溝 自縣南受棠棣窪坡水入大沙河

趙黃溝 自縣南受鯉魚坡水入大沙河

李家溝 自縣南受李家坡水至張家橫溝入大沙

河

張家橫溝 自縣南受劉家坡水由傅八口入大沙

河

官溝 自縣南受朱家窪坡水至田家寨入項城縣

境逕夾河集邢家橋入大沙河

安家溝 在縣西南自淮商二境交錯處起東逕本

淮寧縣志卷之四

山水

二十三

境周蔡寨地方西李村又東北逕東李村又東逕傅家村又東逕丁家橋又東至屯民村北又東北折而南流至連橋西又東南逕許家寨西又南逕韓家坡又東南逕夏家寨東又南過張家村又西折而南至王木板橋入瀆河

韋家溝 在縣西南自商蔡二境交錯處起東逕本境廢韋家村北又東南逕小許村又東南逕張家坡又東南逕季家坡又東逕胡旗屯北又東迤南至王木板橋入瀆河

栗家溝 在縣南任河南自仁和集受方家窪水南

逕草廟屯又南逕鄧橋姜橋又南至項城境高家庄
西又南而東逕庄前又北折逕 家屯西新集南又
東逕胡家屯又南過項城境范亭集北又東南逕栗
家營又東南逕朱灘橋又東南逕樊家冲入瀆河
九棘溝 在縣南有四一自草廟屯鄺家庄前地梨
坡起東北流又折而東南過項城境小任庄南至灣
李庄分爲二一東南下經百塚舖西入朱灘橋與栗
家溝會俗呼爲桃花溝一東北折過郭草樓後至郭
家橋與九棘溝會又一支自仁和集魏家東屯起東
逕龍家橋又東逕徐庄後橋又東南逕白家廟西南
橋又東南逕沈崗寺又東南逕馬旗屯前入郭草樓
後溝又一支自洪七溝南靳庄起俗名老龍窩溝逕
趙屯西白廟東至沈崗寺南與馬旗屯前溝會又一
支自項城縣九棘村劉店東窪起東逕郭大庄西又
南至郭腰庄前又南過郭家橋鞠家橋又南逕唐家
樓又東南流入潁河

淮寧縣志卷之四

山水

二十四

屯民窪溝 自縣西受李家窪水流至陳家橋入七
里河
牛家窪溝 自縣西受牛家窪水流至槐樹屯入七
里河

趙家溝 自縣西受來家窪水流至薛家橋入來家溝

來家溝 自縣西北受來家窪水流至黃家橋入清水河

高郭溝 洩西華秦家湖水由高家橋入縣境西南至魏家埠口入清水河

鹽場溝 洩西華二郎套水由高家嶺入縣境西南逕吳家庄北又東南逕吳家庄東至王家小庄入清水河

劉家坡溝 自縣西練庄村受孔家窪坡水逕練樹

淮寧縣志卷之四

山水

二十五

寺入清水河又由擺麻溝入大沙河

房家窪溝 自縣西受房家窪水入清水河

何家窪溝 自縣西受何家窪水入清水河

侯家窪溝 自縣西受侯家窪水入清水河

附載古今疏濬事宜

漢武帝元光五年河溢命主爵都尉汲黯大司農鄭當時治之疏陳北水道修陂塘以溉田

三國時賈逵爲魏豫州刺史遏鄆汝造新陂又斷山溜長谿水造小弋陽陂又通運渠二百餘里所謂賈侯渠也齊王芳正始四年司馬宣王督諸軍伐吳時

欲廣田畜穀爲滅賊資乃使鄧艾行陳項以東至壽

春

自今淮陽郡項城縣以東至壽春郡

艾以爲田良水少不足以盡地

利宜開河渠可以大積軍糧又通運漕之道乃著濟河論以喻其指又以爲昔破黃巾因爲屯田積穀于許都以制四方今三隅已定事在淮南每大軍征舉運兵過半功費百億以爲大役陳蔡之間土下田良可省許昌左右諸稻田并水東下令淮北屯二萬人淮南屯三萬人十二分休常有四萬人且佃且守水豐常收三倍于西計除衆費歲完五百萬斛以爲軍資六七年間可積三千萬斛于淮上此則十萬之衆

淮寧縣志卷之四

山水

二十六

五年之食也以此乘吳無往而不克矣宣王善之皆如艾計遂北臨淮水自鍾離西南橫石以西盡泚旁脂水四百餘里置一營六十人且佃且守兼修廣淮陽百尺二渠上引河流下通淮潁大理諸陂于潁南北穿渠三百餘里溉田二萬頃淮南淮北皆相連接自壽春到京師農官兵田雞犬之聲阡陌相屬每東南有事大軍興衆汎舟而下達子江淮資食有儲而無水害艾所建也

唐德宗時江淮水陸轉道使杜佑以秦漢運路出浚儀十里入琵琶溝絕蔡河至陳州而合自隋鑿汴河

官漕不通若導流培岍功用甚寡疏雞鳴岡首尾可
以通舟陸行纔四十里則江湖黔中嶺南蜀漢之粟
可方舟而下繇白沙趣東關歷潁蔡涉汴抵東都無
蜀河泝淮之阻減故道二千餘里會李納將李洧以
徐州歸命淮路通而止憲宗元和十一年十二月初置
淮潁水運使楊子院米真州楊子縣南濱楊子江時
此處置轉運院故曰楊子院
自淮陰泝淮入潁由陳州項城西入澗水輸於鄆城
以饋淮西行營省汴運之費七萬餘緡
周世宗顯德六年二月命馬軍都指揮使韓令坤自
大梁城東導汴水入蔡水以通陳潁之漕

淮寧縣志卷之四

山水

二十七

宋都大梁有四河以通漕運曰汴水曰黃河曰惠民
河曰廣濟河惠民河粟四十萬石菽二十萬石由石
塘惠民河而至京師者陳潁許蔡光壽六州皆有京
朝臣督之建隆二年詔發畿甸陳許丁夫數萬浚蔡
水南入潁大中祥符二年四月知陳州言州地洿下
積潦歲有水患請自許州長葛縣浚減水河及補棗
村舊河以入蔡河十月於減水河修雙門以減陳潁
水患熙寧三年九月遣殿中丞陳世修經度陳潁入
丈溝故迹八年六月疏汴水蔡河以通漕陳襄知陳
州開八字溝以洩水遂無泥行之阻元祐四年六月

知陳州胡宗愈言陳州地勢卑下夏秋之間許蔡汝鄧及開封諸河之水下注並由陳州沙蔡同入潁河不能容受故境內瀦爲陂澤今沙河合潁之處有古八丈溝可以開濬分決蔡河之水自爲一支由潁壽界直入于淮詔可功旣成謂之新河政和初霍端友知陳州以陳地汙下久雨則積潦比疏新河八百里而去淮尚遠水不時洩乃益開二百里徹於淮自是水患遂去

明洪武七年河決開封堤蔡河壅塞漕運不通叅政安然親督工疏導之不逾月工成州地卑頻有水患

淮寧縣志卷之四

山水

二十八

知州李子義率民築堤以備其後河雖間溢竟不爲災永樂元年戶部尚書郁新奏言近因淮河至黃河淤淺以致饋運不通請自淮安用輕舟運至沙河及陳川潁歧口仍以大舟載入黃河復陸運衛河以轉輸北京嘉靖四十五年州大水隆慶二年復大水兵憲傅霖以蔡河一瀆不足以洩水乃訪近城溝渠故道悉疏通之又分命文武官築護城隄及沙潁諸河堤萬歷二十一年又大水二十三年知州楊堪申准築堤堰通溝渠二十四年復大浚溝渠建橋閘三十年知州康應乾疏通明化舖火燒寨溝渠以洩盧

家窪之水入黑河名康河至今成沃壤焉三十六年
應乾復議濬蔡枯二河於八布袋口開支河直抵乾
河鋪馬家橋又自東三空橋至董家橋旁開兩溝築
堤以分水勢并入沙河因陞任去三十八年知州陳
大期始成其工四十五年兵憲翟師雍修北門至東
門內一帶溝渠甃以磚石架以木梁故城隅西北東
北之水得有所歸時翟公捐俸二十金署州事判官
柳文捐銀八兩吏自阮維源捐銀十兩而勸相勞來
其功居多崇禎五年六月洪水泛漲自襄鄆至陳漂
沒室廬沙河上下一帶積尸無數北抵州城西決苑

淮寧縣志卷之四

山水

二十九

家口患延沈潁三百餘里兵憲委百戶李恭全修堤
堵塞者三七年又大水決其處民復受患 國朝順
治九年兵憲孫公委州判顧爾健巡檢韓邦國督夫
築修始完其工十七年郭家埠口逼近沙河連年河
水泛漲決堤民居田禾盡爲湮沒知州王士麟率學
官高聯第督夫修築預防民患陳地汙下河渠最多
但淤塞既久每雨水連綿田禾渰沒歷年受害康熙
二十八年知州王清彥遵奉撫軍閩檄諭察田間河
渠故道及地勢窪下者勸居民竭力疏濬陳北蔡灌
諸河東狼兒溝諸水南白馬溝諸水西土中坡搬

口諸水暨環州七里河大者濶其崖岍小者開其支流數月工竣次年七月大雨水潦暴泛諸河流通水不爲害乾隆七年歸陳被水民多昏墊上廕 宸衷於八年春遣兵部侍郎紀山左都御史劉統勲馳驛查撫詢及利弊本府崔應階條對四事首言疏濬河渠事竣使臣入 告下大學士部臣議覆令會同江南督撫遴員查勘開通大中丞碩 委分巡道金率同歸陳二府逐一履勘估計視河渠大小分別動帑民力二項興修淮境開濬灌河五千七百五十一丈面寬三丈餘底寬一丈五尺深三四尺不等計費帑

淮寧縣志卷之四

山水

三十

項二千餘金又動民力開濬蔡河自大北關至沈邑李家埠口計長一萬三千四百丈清流河自闔家橋至斗溝橋計長四千二百二十八丈柳社河自斗溝橋至白馬溝楊家橋計長九千九百二十七丈上下一律挑濬深通是役於九年二月興工五月報竣知縣許珮璜經歷司傅懿麟典史吳思德董其事

附會勘迴龍寺渦河古堤詳案

乾隆四年

陳州府金查得渦河之水由太康西北折入東南至馬廠集東胡家橋下入淮寧鹿邑直達亳州以入淮河現今河身寬濶深通足資宣洩因乾隆四

年六月間天雨連綿河水漲發太邑馬廠居民見河水驟發恐其宣洩不及淹及莊田隨於六月十九日於胡家橋側將古隄決挖一口而渦水遂由決口而出泛濫橫流將淮邑之大梁店等處田禾淹沒嗣因淮邑武生程珮等具稟經卑府親至扒堤處所逐一查看實係古堤並無河形檄示淮太居民將古隄決口協力堵築並委太邑典史督催夫役完工在案今蒙憲臺據太康進士王謙等並淮寧武生程珮等先後具呈均批卑府查報等因除王謙等所謂開挖清水河之處已於遵旨公

淮寧縣志卷之四

山水

三十一

懇疏古河等事案內委淮太二縣會勘議詳經卑府覆議詳報憲臺在案程珮所呈扒挖古堤並卑府親驗飭委堵築緣由擬合申詳

查得太康縣進士王謙等呈請挖清水河分洩渦河之水一案前蒙憲臺檄令遴員前往秉公確勘委議詳報等因當經委淮太二縣會同確勘議詳去後茲據該縣等詳稱太邑境內有渦河一道自縣西北折入東南發源陳留通許至太邑馬廠集東胡家橋地方下入淮鹿直達江南之亳蒙等處歸於淮河其河現在寬深足資宣洩至王謙等所

稱胡家橋側向有分支名清水河者現在河口築有堤岸地勢平行並無河形自堤內至清水河橋地勢高窪不一由此而南地勢愈遠愈窪有似河形現今布種二麥淮邑居民稱係窪地是爲世業太邑士民指爲清水古河查閱太邑縣志止載渦河源委並無清水一河其是否古河無憑稽考卽或實有古河淮民築堤百十餘年今欲毀隄開挖不特工大費繁難以舉行卽淮鹿二縣百姓其間田園廬舍不知凡幾遷移更易事多滋擾斷屬難行惟是渦河之內附近居民現有栽種葦草以致

淮寧縣志卷之四

山水

三十二

夏間水漲不能暢流應請加工挑挖不許栽種葦草使水無阻滯暢流入亳倘遇水發不致漫溢爲災矣等情會詳前來卑府覆查渦水一道旣於太康縣馬廠集東胡家灣地方入淮寧鹿邑直達江南亳蒙等處歸於淮河現今河身寬深足資宣洩是可毋庸另開支河以滋紛擾况淮寧地勢窪下若開堤引水勢必建瓴而下泛濫橫流之害不止於淮寧爲然也是前人建堤之舉必非無因今王謙不識時勢妄議開挖不特工大費繁未易舉行是直欲以隣爲壑也但渦河附近居民栽種葦草

使水有阻滯不能暢流深足爲慮如該縣等嚴行
禁止不許栽種葦草並飭加工挑挖深通使水無
阻滯暢流入毫自無漫溢之患是否允協擬合詳
請憲臺會轉嗣蒙巡撫部院雅批清水河旣無可
考且與鄰邑有害如詳禁止開挖仍飭將渦河下
流不許栽葦疏濬深通具報

